



Inatsisartuni ilaasortaq Isak Hammond, Inuit Ataqatigiit  
-/maani

21. december 2009  
Sagsnr. 2009-023680  
Dok. Nr. 279965

Asasara Isak,

Inatsisartut suleriaasianni § 36- imm. 1 naapertorlugu apeqquteqaatit Naalakkersuisut tiguaat.

Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: aan@gh.gl  
www.nanoq.gl

**Apeqqut:**

"Naalakkersuisut nuna tamakkerlugu ukiut tullit qulit sanaartugassatigut sunik pilersaaruteqarpat?"

**Akissut:**

Aallarniutigalugu apeqqutit pillugu qutsavigissavakkit, suliat ingerlasarnerannut erseqqissaateqarnissamut periarfissimmannga.

Namminersorlutik Oqartussat sanaartugassanut ukiunut qulinut atuuttussanik pilersaaruseorneq ajorput. Missingersuusiornermut maleruagassat 2008-meersut naapertorlugu sanaartugassanut ataasiakkaanut aningaasaliissutissat tamakkiisut ukiumoortumik Inatsisartut aalajangiiffigisartussaavaat. Sanaartugassamut aningaasaliissutit sanaartugassap katillugit qanoq akeqarsinnaaneranut akuersissutaapput. Suliasanut aningaasaliissutissat aningaasanut inatsit aqqutigalugu, imaluunniit Inatsisartut Aningasaqarnermut Ataatsimiititaliap akuersineratigut aalajangiiffigineqartarput.

Sanaartugassat akuerineqartut Sanaartugassanut Iluarsagassanullu Aningaasaateqarfimmum, missingersuusiornermi teknikkikku aningaasaateqarfiusumut, aningaasanik qinnuteqarfingineqarsinnaanngitsumut inissinneqartarput. Aningasat aningaasaateqarfimmil nalunaarsorneqartut suliasanut aalajangersimasunut tunngasuusarput.

Ineqarnermut, Attaveqarnermut Angallannermullu Naalakkersuisoqarfik ukiut tamaasa Sanaartugassanut Iluarsagassanullu Aningaasaateqarfik pillugu nassuaasiortarpoq. Nassuaammi tassani apeqqutinut ujartugarnut arlalinngut akissutit nassaarisinnaavatit.

**Apeqqut:**

"Kommunit peqatigalugit aningaasaleeqatigalugillu sanaartornikkut sunik pilersaaruteqartoqarpa?"

**Akissut:**

Kommunit ukiut tamaasa sanaartugassatut kissaatigisaminnik Ineqarnermut, Attaveqarnermut Angallannermullu Naalakkersuisoqarfimmut nassiussisarput, tamatumalu kingorna Ineqarnermut, Attaveqarnermut Angallannermullu Naalakkersuisoqarfipup kommunit sanaartugassatut kissaataat ataatsimoortillugit naalakkersuisoqarfinnut allanut nassiuttarpai.

Ukiuni aningaasaliiffiusuni tamani naalakkersuisoqarfiiit akisussaasuusut sanaartugassanik sunik aallartitserusunnerlutik aalajangertarpaat.

Sanaartugassatut kissaatit salliuinneqartut aammalu Inatsisartunit akuerineqarsimasut 2010-mut aningaasaqarnermut inatsimmi sanaartugassanut illoqarfikkaartumik agguakkanut suliat akimorlugit takussutissiani takuneqarsinnaapput.

Inussiarnersumik inuullaqqusilluta

Jens B. Frederiksen